

Nikolaus-Versere

2008



der
DJK Thannndorf

Inhaltsverzeichnis

Einleitung	(Pawo).....	3
Retzer Stefan	(Haider / Pawo).....	5
Haider Norbert	(Roland).....	6
Pinzoffer Thomas	(Pawo).....	7
Hehberger Gerd	(Haider).....	11
Münsch Andreas	(Roland).....	12
Läng Alexander	(Haider).....	13
Kroiss Renate	(Pawo).....	14
Hartl Patrick	(Pawo).....	15
Hofbauer Sepp	(Haider).....	17
Knab Ludwig	(Frey).....	18
Gamsreiter Tom und Roland	(Pawo).....	19
Maier Gerhard	(Pawo).....	20
Haufellner Günter	(Pawo).....	21
Plattner Reiner	(Haider).....	23
Eder Arnold (Pawo)	(Roland / Pawo).....	24
Schreiner Franz	(Frey).....	26
Frey Christian	(Roland).....	27
Plattner David	(Roland).....	28
Gamsreiter Hans	(Roland).....	29
Läng Mario	(Roland).....	30
Huber Manfred	(Frey).....	30
Bachmaier Helmut	(Andrea).....	31
Läng Robert	(Haider / Pawo).....	32
Lehner Rudolf	(Haider).....	33
Kroiss Alois	(Frey).....	33
Wieser Andreas	(Roland).....	34
Kapfhammer Christoph	(Haider).....	35
Meier Alois	(Pawo).....	36
Vogl Stefan	(Pawo).....	37
Friedl Sepp	(Pawo).....	39
Schluss	(Pawo).....	40

Einleitung

Griaßt eich God
Es Liaben Leit
Habt's es scho g'merkt
es is Weihnachtszeit

Sie is jetzt wieder kema
schneller als man denkt
und die Gschenka zum kaufa,
hat man fast wieder verpennt

I seh des ganze eh
mit großem Kummer
Wos die Schenkerei hod
für Ausmaße ang'numma

I bin aber net do,
um zu beklagen
Jetzt derma moi schau
und an Blick noch hinten wagen

Auf da Homepage hab i's g'lesen
was a jeder will
„Aufstieg“ hot a jeder g'sagt,
is euer erklärtes Ziel

Ihr habt's Eich woi dengt,
für'n Aufstieg soll's scho glanga
Aber des geht hoid nur
wenn's richtig dearts a'fanga.

Doch am Anfang
dann der Schock
wia's die ersten Spiele
habt's verbockt

Des war schon krass,
und des ohne Hohn
wie todsicher geglaubte Spiele
habts ihr verlorn

Dann hobt's Eich wieder
recht gut dafangt
aber bei die wichtigen G'speia
hot's dann a wieder net g'langt

(Pawo)

Ihr habt's a Verletzungspech
Des hob i scho g'sehng
Aber an dem alloa is
A net grad g'leng

Momentan am 3. Platz
Do is no alles drin
Weil Ihr kennt's jeden schlag'n
genauso aber a verlier'n

Wenn aber die Verletzungen
sand wieder auskuriert
und wieder so guat
wia heuer wird trainiert

Dann seh ich nicht schwarz
sondern eher hell,
denn dann is Thanndorf Erster
und des ganz schnell

Jetzt schau'n ma nomoi z'ruck
ins Jahr 2008
welche Lumperein
so mancher hod g'macht

Anfanga dua i,
in Eurem Verein
mit'm 1.Vorstand
wia soll's denn anders sein

Retzer Stefan

(Haider / Pawo)

Da Retzer Stefan
unser El Präsidente
entdeckt anscheinend bei sich
immer mera Talente.

Denn Angesicht's
der schlimmen Weltwirtschaftskrise,
backt er selber's Brot für'd Versteigerung
mit'n Ernst und da Gise.

Er hod scho Recht, a bissal Spar'n
kann ned schod'n,
Zur Sicherheit hod da Ernst a no oans bstellt,
do wo's es immer kauft hom.

Aber oans hab i no g'seng
von eurem El Presidente
und des war bestimmt
keine Zeitungsent

Bei „Lindner Intern“
do hab i ihn gseng
do is er auf'n Buidl
in na Synagogen gwen

A Versuch is wert,
host Du Dir denkt'
desweng bist Du in a
Synagogen g'rennt,

weil es für den Aufstieg
es net schaden tät
wenn I a beim Allah
no um Beistand bet'

Haider Norbert

(Roland)

Da zwoate Vorstand
wird jetzt auch erwähnt,
als Haider Norbert
erm a jeda kennt.

Und wia des beim Norbert
hoid imma a so is,
hat er fürn Nikolaus oiwei a Gschicht,
ja des is gwies.

Von de Fraun wird ihm gsagt, dass den Eiskaffee
jetzt auch schon fertig gibt,
da hat er nimma so viel zum kaufen,
des is gschickt.

Doch beim Pokalturnier
denkt er sich oh Graus,
was da aus bem Packerl kommt,
schaut nicht nach Eiskaffee aus.

So wird halt noch schnell
Eis und Sahne nachbestellt,
weil des komischer Weise
in dem Fertigpackerl fehlt.

Jetzt muas i scha nachfogn,
wos hast da denkt do dabei,
Host du wirklich glaubt in an Pulver
könnt Eis und Sahne drinn sei?

Jetzt fang ma aber o
mit de oazellner Spieler
Denn desweg'n bin i do
Bei Eurer Weihnachtsfeier wieder

Zwischen der Ersten und Zwoaten,
do hab i net 'trennt
Jetzt kimt oana noch dem andern,
so wia i mir, des hob dengt

Jetzt is aber scho
euer Traina dra,
Pinze nennt ihr
den guaden Ma.

Doch wo soll ich anfanga
vom Tom zu berichten
es gibt vo dem
ja so vui G'Schichten

Die Feier von Deiner Tina,
die war schon a Hit,
aber irgendwie warst du
am Schluß nicht mehr fit.

Zum Schloffa bist ganga,
in Dein Bus
denn irgendwann glangt's
und dann muss sei Schluss

Doch Dei Magen hod rebelliert,
war des ein G'schiß
Es war erst a Ruah,
wie nix mehr drin gwen is

I hab an Tom manchmoi
beim Trainng zua g'schaut
Wie er seine Spieler
ang'feuert hod, ganz laut

wie i earm do
ein paar mal beobacht ho
hod er nia so richtig
mittrainiern do

I woab Du warst krank
und a verletzt
desweng Du im Training
bist net umanander g'wetzt

Aber für'n Trainer wärs halt
a vui besser, hätt i gmoant
Wenn er beim Training
net owei an der Banden loant

Es is halt klar,
dass da Verdacht aufkimmt,
dass er des Training
net gar so wichtig nimmt

bevor Du wieder gehst
auf'n Platz hinaus
merk Dir den Rat
vom Nikolaus

„Tua lieber ois
komplett auskurier'n
dann kannst a wieder
g'scheid mittrainieren

Deswegen hod's mi a gwundert,
dass Du mit'm Howie host g'wett,
wer am schnellsten an
Halbmarathon fertig hätt

Jeder von Euch hot die großen
Sprüch aussa g'hoit
Wer wohl da schneller is
beim Marathon im Woid

Ang'stichelt habt's euch
die ganze Zeit,
aber nur solange bis es
g'wesen is soweit

Denn an dem Tag aufamoi
hod koana Zeit g'hod
desweng da Marathon
ohne Eich stattg'funden hod

Ins Training host Du
wos neis integriert,
do wird sogar do
im Saal trainiert

A Airobic-Lehrerin,
i muass scho sog'n
a saubers Mädle
host Du zum Training eiglon

„Airobic“ hobs euch dacht,
„ein solcher Schmarn“
nur zwengs der Trainerin
habt's dann mitgetan

„Des wird ganz easy“,
habt's ihr Euch dacht.
Am Schluss hot aber nur no
die Trainerin g'lacht

Jeder hod g'jammert
und ganz stark g'wimmert,
„Den Muskelkater“, hot's gsogt
„spürst morgen no schlimmer“

Und no wos Neues hod unser Coach
für die Kameradschaft aufbracht,
nach dem letztn Training
wird ab jetzt a Kabinenparty g'macht.

Natürlich hat da Pawo
a dazu beigetragen,
a Bowle aus Gin,
da brauchst ja ned fragen.

Doch eins muaß i no song
und euch a bissal rügen,
denn der Eimer voi Scherm (Scherben)
der duad halt ned lügen.

St. Nikolaus sieht ois,
des is scho immer so gwen,
sonst kimmt da Krampal, Münsche!
Du woast, wovon ma red'n.

Alle Spielen kennen's
und sind's sehr wohl bekannt.
Deine Motivationssprüche vorm Spiel
an der Kabinenwand

So a Sprüche ist gut
und is a wirklich sche.
Blöd nur, wenn's net
in Erfüllung duat geh

Aber Tom, dua Di net owi
Du bist scho recht,
Bleib no lange bei uns,
des is's, wos a jeder mecht

I woast, bei Dir iss
a bisserl länger g'worn
aber so is es bei Leut,
die steh'n ganz vorn

Hehberger Gerd

(Haider)

Von einem Rückkehrer
ist jetzt die Rede,
,ja es is da Gerd
der alte Schwede.

Am 07. Oktober
is passiert,
das der blonde Engel
30 wird.

Du host a riesen Party in Sandbach
drunten gschmissen,
a boar san do, de nix mehr
davo wissen.

Mehr Thanndorfer als Sandbacher
warn do vertreten,
i glaub de wollten Dir eana
Wertschätzung preisgeben.

A Paar vo uns war'n
wieder de letzn,
wia's hoid immer is,
bei solchen festen.

A Banner woitn's dir no schreim
zu deinen Ehren,
Vo mir kimmt des ned
I dua nua zitieren:

Die Mütter halten
ihre Töchter fest
wenn der Gerd
das Haus verlässt

Denn mit 30
is er noch nicht müde,
und immer noch
Deutschlands bester Rüde

Münsch Andreas

(Roland)

Jetzt komm i zu an jungen
Spieler im Verein,
stimmt, des kann bloss
der Münsch Andreas sein.

Ein harter aber
fairer Spieler,
nur vor dem Spiel
prellt er sich nieder.

Auch des hat der Trainer
bei dir schon gerügt,
und sagt, dass am Abend vorm Spiel
auch **eine** Halbe genügt.

Da Münsche denkt,
was ist den da schon dabei,
und schiabt se ab jetzt zum weggehn
nur noch 2 Euro ei.

In den Festen ist er bekannt
wie a bunter Hund,
Wo da Münsche is,
ja da geht's sicher rund.

Aber des mit der 2-Euro-Technik
Bei Dir net funktioniert
Weil do owie von de andern
kriagst wos spendiert

Im Casino warst jetzt auch
mittendrinn statt nur dabei,
Ob Pokern oder Roulette,
so schwer kann des ned sei.

Schön wars, für 24 € gschlofa,
gessn und drunga,
Beim Hoamfahrn hast aber nimmer gwusst,
hast jetzt 5 oder 600 € gwunga.

Läng Alexander

(Haider)

Der nächste
in unsrerem Reigen,
is da Alex,
derfst scho sitzen bleiben.

In der Kabinenparty,
i muaß scho song,
da hod ma gmoand
iatz hamsn gschlong.

Dawei hosd du
min Münsche gschertzt
und mid dein gsicht
den Boden g'herzt.

Doch Gottseidank
sans wieder weg,
im Gesicht
de Riefenfleck.

Kroiss Renate

(Pawo)

Eure gute Sehl,
die Kroiss Renate
war natürlich a eiglon,
bei der Kabinenparty

Wenn zums Duschen wird,
hod sie's versprocha
duat's sie sich auf'n Weg
nach draussen mocha

Und wia da erste
hod's Duschen ofganga
is sie tatsächlich
aus der Kabinen ausseganga

Aber Ich hob goa net
so schnell schau'n kenna
wia sie wieder
in Kabine is reikemma

Des kann i a beweisen,
auf de Fotos hob i's g'seng
wia lauter Nackerte
um sie umigstanden san gwen

Liabe Leit, glaubt's es
oder glaubt's auch nicht
i hob's no nia gseng
mit so an glücklichem G'sicht

Hartl Patrick

Von user'm Patrick
gibt's schene G'schichten,
über die muass i
euch jetzt berichten

Damit's beim Tore schiaß'n
Wieder besser lauft,
hot in Ebay ganz neie
Fußboischua sich kauft

„Nomis“ so hoaßt
der neie Schuh
und des Leder is
aus'm Känguru

I hätt gmoant Du wärst
a bisserl heller
und hätt'st g'lernt
aus'm Pawo sein'm Fehler

Vielleicht wisst's ja no des
von Beittsbach unten
seine Schüss hom aus zwoa Meter
des Tor net gfunden

Laut Pawo is die HiTec-Beschichtung
des große Problem
und an de kann man sich
einfach net gwöhn

I hoff dass Du des
Jetzt eisegst
Weil do kannst net treffa,
a wenn'st megst

Wenn Du zwengs **de** Schua
koa Tor mehr schiaßt ab jetzt
dann i Dir den Krampus
auch im Sommer aufe hetz

(Pawo)

A G'schicht vom Trainingslager
I jetzt berichten werd'
Des war heuer im Februar,
so hab i des g'hert

Wia eierTrainer z'spät
zum Trainingslager is kumma,
host Du sein Job
beim Dauerlauf übernumma

„Fang langsam a“,
hot der die instruiert
aber irgendwos
hos do net richtig kapiert

d'Berg aufi und owi
und immer weiter bist g'wetzt
bis'd fast nimmer
z'ruckgfunden hättst

Ois hot blos'n
und hot g'schnaubt
die letzten Nerven
host ihnen g'raubt

Wia Du dann no a kloane
Steigung host gseng
host gsogt; „Zum Schluss derma
no sprinten a weng

Vorhin hab'n a paar Spieler
mir ois mögliche versprocha
Wenn Du im Trainingslager
duast koa Einheit mehr mocha

Hofbauer Sepp

(Haider)

Da Hofbauer Sepp, unser Versteigerer
der Extraklasse,
is scheinbar no immer ned
knapp bei Kasse.

An riesen Stall host du baut,
80 Rindviecher pass'n ei,
des muaß doch ganz sche
deier gwen sei.

Alloa von de Zuschüss kann ma so wos
ned stemma,
drum bist heuer wieder zum
Versteigern kemma.

Aber Champion lass dir
eines song,
beim versteigern bist du
ned zum schlong.

Drum mach´s auch wieder
im nächsten Jahr,
dass wieder a guads ergebnis hod,
die DJK.

Knab Ludwig

(Frey)

Jetzt is der
Knab Lugge dran
bei der DJK
a wichtiger Mann

Schriftführer is er
scho lange Zeit
und kümmert sich a so um manche
Vereinsangelegenheit.

Wenn wos nicht klappt
dann is des ned nett!
Beim Lugge hoaßt des
Mvox, DSL und internet

Und so ergibt sich
dann des a
dass oana glei
a Wett scharf wa.

Um 30 Liter Bier
und vielleicht a Sau
wars ganga und des ois
wegen dem Datenstau.

Im Forum wird sowos
dann ausdiskutiert
weil man zuhaus ja
mit'm echo telefoniert !

Gott sei Dank hod se
des ganze g'legt
nur des mit der Wett
des wiss ma no ned.

Gamsreiter Tom und Roland

(Pawo)

Da Tom und da Roland
vo Minihof drom
wos glaubt's wos de wohl
ausfress'n hom

bei der Meisterschaftsfeier vo der Zwoat'n,
do vorn beim Wirt
is dene zwoa
a kloans Malheur passiert

Mit'm Roland hot da Tom
oweï drunga
als wenn **sie** die Meisterschaft
hätten gwunga

die kloane Gin-Cola-Vas'n
hom de zwoa sich teilt
und des net grad oamoi,
könnst Euch vorstell'n, liabe Leit

bei so na Vasen-Übergabe
von Hand zu Hand
is sie dann plötzlich
ganz hart am Boden g'landt

zersprunga in 1000 Scherben
und no viel mehr
des oanzige Glück,
sie war scho fast leer

„Scherben bringen Glück“
homs ganz drucka gmoant
Da Pawo hat aber scho
Rotz und Wasser gwoant

Für mi wär der „Vasen-Bruch“
a net so schlimm
für'n Gin-Cola-Presi
is des aber a große Sünd

Drum passt jetzt auf
und merkt's Euch guat
was Euch da heilige Nikolaus
jetzt auftragen duat:

„Nemmt nur no kloane Glasl
und a koane Maß'n
Vorallem von de Vasen
werd'n ab jetzt die Finger g'lassen

Maier Gerhard

(Pawo)

Nach 2006 is's
wieder passiert,
dass vom Mampse
nichts berichtet wird

Vielleicht hod er a mein Chef
irgendwie g'schmiert
dass mi net oa Engel
übern Mampse informiert

Nächstes Jahr wird des
wieder anders sein
Denn dann tua ich selber sammeln
die G'schichten ein

Hauffellner Günter

(Pawo)

Jetzt kimm i zum Hauffellner Günter
Noch amoi
Da is mir no was eigfoin,
oi oi oi!

Wia Du mit der Zwoat'n
in Garham warst
Und Du Di mit Deinem
Gegner ang'legt hast

Unterm Spiel habt's es euch scho
die ganze Zeit zofft
„hoffentlich hauen se de net“
hot d'Wasche g'hofft

Vor der Halbzeitpause hot da Schiri
no zu Eich g'sogt:
„Dass ihr Eich danach
ja wieder vertrogt,

Und jetzt seid's lieb
und gebt's Eich d'Händ“
Dann seid's beide
Richtung Kabine g'rennt

Aber immer weiter
habt's euch schikaniert
Bis dann im Kabinengang
is ebs passiert

An Schrei hob i g'hert
und s'Schepern a
I hob mi no fragt,
wos des woi war

I woß net warum,
aber des oane is gwis
dass dei Gegner aus der
Schiedsrichterkabine krabbelt is

Aber Howie des muasst ma
jetzt scho no sogn
Warum is der plötzlich
zum Schiri reingflogn

Aber eigentlich mecht i
des gar net wissen,
weil i sonst Probleme hätt
mit meinem G'wissen

Es tät mich halt freun
und es wär sicherlich sche
Wenn Du in Zukunft auch Dein Gegner
zur Pause lässt geh

Den Hauffellners is jetzt neulich
no was adres geschehn,
hab ichs vor kurzen zu Herbert und Schnipsi
nach Passau fahrn sehn.

D'Waschi sagt, da geh ma zuvor
noch in d'Stadtgalerie
Des is des neie Gschäft in Passau,
weil da mecht i hi.

Die halberte Streck ham's scha
hinter sich bracht,
da hat d'Waschi erst an de
Eintrittskarten dacht.

Des telefoniern hat nix gholfen,
weil koana geht ran,
so draht da Günther um
und fahrt wieder hoam.

Ihr könnt es euch denken,
mit der Zeit wurd es enger,
zum shoppen san de zwoa
dann gar nicht mehr kemma.

Zum Glück is nix paassiert
bei dem Stress und der Raserei,
Aber als letzte sans dann zu
Herbert und Schnipsi nei.

Plattner Reiner

(Haider)

Nun samma bei an alten Neia
in unserm Verein,
des kann doch nur
da Plattner Reiner sein.

Wenn er ned verletzt is
wia grad im Moment,
kimmt er immer ausm
Mittelfeld dahergrennt.

De Dog wern kürzer,
Renga und Reifa duads scho,
da fangt da Reiner
mit'n Hausumbau'n o.

Beim schena Wetter kanns a jeda,
des kann ma se denga,
oba muaß do beim Betonieren
glei Hacke renga?

Da Ernst hilft Dir mauern,
des is doch ganz klar,
nur wenn do ned immer
des scheid Kranfohn war.

De Dachrinn is scho hi,
do kimmst nimmer raus,
gell beim Haider schaut des immer
so einfach aus!

Drum Reiner nutz no de Zeit
vor da Rückrundn,
und mach an de freien Sonntag
no a boa Übungsstunden.

Eder Arnold (Pawo)

(Roland / Pawo)

Jetzt komm ich zum neuen
Gin-Cola Präsident,
i glaub des den da herin
eh a jeder von euch kennt.

G'sehng hob'n i scho oft
auf so mancher Feierei,
aber dass der Pawo a gloans Glasl nimmt,
des vergessts am besten glei.

Bei der Kabinenparty da war er
einer der beliebtesten Männer,
weil er is mit seiner neuesten Erfindung,
einer Gin-Bowle kemma.

Probiert hods a jeder
Denn sie hod so guat gschmeckt.
Aber so manchen von euch
hods danoch g'streckt.

Beim Verserl-Schreim hod er g'habt
a richtigs Problem,
und des bei Dir als Computerprofi,
des derfs doch ned gem.

Denn zum Dichten hat er anfanga
Und jede Menge is earm gfoin ei
Er hod a ois g'speichert
In sei Verserl-Datei

Damit a ois ganz sicher wird
Hod er die Verserl-Datei
A no auf sei
Sicherungsdatei kopiert

Und Wia er's wieder aufg'macht,
hod er erst gmerkt
Dass er auf der
Sicherungsdatei hod gwerkt

Ois war überschrieb'n
Koa Verserl war mehr do
Hod er nochmoi anfanga müssen
der arme Mo

Schreiner Franz

(Frey)

Kaum is er mit'n Umbau drinnen fertig,
geht's auch draussn schon an,
er is halt oana den ma
überoi hinlass'n kann.

Nur da beim Pflastern, do is er
no ned so erprobt,
weil nach'm Pflastern hot sein Daumen
ganz furchtbar tobt

Er hot sich nimmer zu helfen gwußt
Weil es tuat so weh
Er hot sich dacht,
„Wenn i nur a Schmerzmittel heh“

G'sucht hod er überall
im ganzen Haus dahoam
In einem Schubladen von Biene
is er dann fündig g'woarn

Er hod glei g'merkt, dass die
Schmerzen leichter werden,
dann hod er's erst g'lesen: „Hilft gegen
Menstruationsbeschwerden

Als unser Neuzugang
hoit er den Kastn sauber
nur noch dem Spui kimmt er
oftamoi unter d'Lauba.

I hob was g'hört
mir ham's es zuatrog'n
des war gar ned christlich
des muaß i scho sog'n

Bei der Schlagerparty legt er hin
einen schönen Totalabstuarz
Es war earm sogar Wurscht,
dass er nächsten Tag arbeiten muaß

Abgeholt is a dann word'n
von seiner Frau
nur wissen duat er des
nimmer so g'nau.

Frey Christian

(Roland)

Jetzt komm ich zum Frey Christian,
dem Schriftführer von da DJK,
der fährt sogar auf Wien in d'EM,
des is doch klar.

An die Unterkunft wurde natürlich
zuvor auch schon gedacht,
auf an Firmengelände wird in an
Wohnwagen übernacht.

Kaum akemma, wurd gleich diese
Behausung gesucht,
und beim ersten Betreten auch glei
richtig geflucht.

Mit Wohnen hat des Gefährt nix zum doa
Und des ganz bestimmt,
A jeder hod gmoand,
dass da irgendwie stinkt.

Aber egal, zum schloffa wird des scha
irgendwie glanga (reichen)
Und da in Wien werd bestimmt ned
boid hoamganga.

Ja und genauso is gwesen,
a jeder liegt se ins Bett,
nur da Christian schlofft im Auto,
weil er im Wohnwong voreckt.

Plattner David

(Roland)

Da Plattner David,
der schnellste im Verein,
der legte jetzt scho a längere
Verletzungspause ein.

Des Wadnboandl hod er sich
im Training abbrocha,
und des ohne Gegenspieler,
man muaß scho fast locha.

Im Casinobesuch warst du natürlich
auch wieder dabei,
nur des sichere System des schlägt auch
diesmal ned ei.

Doch es war zu verkraften,
zum Glück kams nicht schlimmer,
stell dir vor, du hättest zoin müßn
des ganze kostenlose dringa.

Gamsreiter Hans

(Roland)

Da Gamsreiter Hans,
a ganz a wichtiger Mann,
der nimmt sich in Thanndorf
auch der Jugend an.

Doch wos is da in Garham
drinn is passiert?
I hab gsehn, da hod's Dir
sehr pressiert.

Auf d´Toilett'n host müss'n,
des wurde mir erzählt,
aber in dem neubaut'n Häusl
des Klo dort noch fehlt.

Du springst ins Auto
und fährst Richtung Ortsmitte,
und beim Wirtshaus wird gfragt,
derf i bei eich aufs Klo? BITTE!!

Du fährst wieder zruck,
weil zum Spuin bist ja kemma,
wenns gut lauft,
a na 3-Punkte mitnehma.

Kaum gehst zruck in d´Kabine,
da schautst du ganz entsetzt,
Da steht ja a DIXI davor,
und des is ned amoi besetzt.

Läng Mario

(Roland)

Jetzt komm ich zu an Stürmer,
Läng Mario so wird er genannt,
der ist als längster Spieler
im Fußballkreis Passau bekannt.

Auf Partys und in Discos
auch da is er gerne dabei,
aber nur die ersten paar Stunden,
weil danach schlofft er ei.

Auch a weibliche Seite hat er
und de is scha extrem,
des hab i ganz deutlich bei eichan letztn
Faschingsball gsehn.

Als schwarze Perle hat er den Männern
im ganzen Saal den Kopf verdreht,
I glaub de ham se scha gstritten, wer mit dir
später noch nach hause geht.

Huber Manfred

(Frey)

Da Huaber Manfred
unser Sportskanon
is des Jahr wos muaß i segn
rückfällig worn.

Mit dem rauchen
wieder anzufanga
des muas i bei am sportverein
scho anpranga

Bachmaier Helmut

(Andrea)

An Rasenmähertraktor hätt da Goggo
scha lang amoi meng
Heia bei seim Vierzga
is dann soweit gwen

Mid seim roten Flitzer
tuckert er iatz umanand
und hoit damit sein
Rasen ganz super instand

Zur Waschi soid er an ihrem Geburtstag
mid dem neia Traktor fon (=fahren)
und unterwegs
na a boa Medls auf Ion (=laden)

Doch er hod den Termin
total übersegn
O mei, is des a G'schrei
vo da Waschi gwen!

Doch a Strafe homs
schnell beinand
er muss die ganzen Weiba fon
auf da Schlittage umanand

Und iatz hoit's mi wahrscheinlich
für beknackt
z`Mindorf drin hams extra
für eana beflaggt !

Läng Robert

(Haider / Pawo)

Iatz kemma zu an
braven Ma (Mann),
der a moi
1. Vorstand war.

Da Robert hod se denkt
des könnst ned schod'n,
mitn Alex sein Auto
moi in'd Waschanlag zum fohn.

Gesagt, getan
er stellt se hin,
zum Lindner seiner
Wasch-Maschin.

Da Rob steigt aus,
de Anlag startet,
auf oamoi fällt ihm ei, dass
bei dem Karr'n was fagget (Ferkelt).

Wenn'st nämlich an
Schlüssel stecka **lasst**
manchmoi Zentralerriegelung
von selber ein**rast't**

Er rennt zum Auto
ganz außer Rand und Band,
dahoam sogt de Gerlinde dann,
seit wann bodst (Baden) du min Gwand?

Lehner Rudolf

(Haider)

Iatz kimmt der Steffen Rudl
aus Viehgassen,
sei Wohnort könnt ned
besser passen.

Denn ned nur Autos
kommen dir do z´geng,
mann hod a scho amoi a Sau
dort laufa seng.

De Sau rennt Richtung Strass
mit vollem Speed,
drum nennt manns
auch de Animalstreet. (Viehgassen=Animalstreet (engl.))

In eine Stauern hod se
d´Sau dann gesetzt,
und scho hot da Fons
seine Messer g´wetzt.

Kroiss Alois

(Frey)

Unser Kiosk –Manager
is da Martl Lois
Und der denkt hoid
normal an oiß.

Meistens zumindest
des is klar
war ja schlimm
wenns ned so war!

A wenns Bier und de Wurstesemmeln
ned immer glanga
so is des no koa
Grund zum banga

weil beim nächsten moi
anz gwiß
alles doppelt
einkauft is

Wieser Andreas

(Roland)

Da Wieser Andreas steht bei mir jetzt
auf dem Plan,
der Herr aus da Viehgossn, steht in der Abwehr
seinen Mann.

Im Haus hat er umbaut
und d´Freindin wohnt do,
jetzt geht blos na wos Kloans
im Haushalt o.

Vielleicht hod da Andal
auch selbst a so denkt,
und deshalb seiner Nicole an gloan Hund
auf Weihnachten gschenkt.

Auch des Autokaufen ist bei ihm ned so
wie bei jedermann,
er geht halt an diese Sache
ganz anders ran.

Da Andal fohd auf Minga,
und probiert diesen und jenen,
er hat einfach koan Überblick,
welchen soll er bloß nehmen.

Auf da Probefahrt is passiert,
der Wagen bleibt steh,
da muas da ADAC her, weil de bringandn
scha wieder zum geh.

Bled nur wenn ma ned woas,
wos is des jetzt für a Autobahn.
Und so gibt er bei den gelben Engeln „
Irgendwo da beim Stadion“ an!

Kaum is da ADAC kemma,
wird glei abtransportiert,
Weil er aber am Kran schon hängt,
wird a glei von unten inspeziiert.

Ein Tipp dann vom Fachmann,
des Auto is guad,
und der Andal auf den Rat hin
den BMW auch kaufa duad.

Einlader is er für Versteigerung und Weihnachtsfeier,
des is ja ned nei,
Aber er hatte scho in der Christbaumversteigerung
des Packerl für heute dabei.

Kapfhammer Christoph

(Haider)

I woäß ja ned obs stimmt,
aber ghört hob's i gwiß,
dass unser Kapfe unter de
Gflügelzüchter ganga is.

Denn immer wenn ma vo eam,
wos kemma is zu de Ohr'n,
is von an Andara (Enterich)
geredet worn.

Halt, stop, stimmt ned
i hob mi volesen,
de Red is von an Opel Antara
gwesen.

Der Wag'n hod Navi
und an jeden Scheiß,
doch ob Du des auch
zu bedienen weißt?

Do könn'ma iatz
an Roland frong,
denn der sogt, des Auto
werd koan Blinker hom.

Denn letzte Woch auf der Fahrt nach Riad,
bist oiwei ohne Blinker ausse g'stiert.
Drum merke Dir: "Blinken is Pflicht",
Dann fürchtet sich auch die Beifahrer nicht.

Meier Alois

(Pawo)

Da Meier Alois
is a wieder dran
Drum hörn'ma von ihm
des G'schichterl an

Dein Hof woidst pflastern,
do war Dir klar
do frag' i meine Freind
von der DJK

A Haufa Leut
war glei beinand,
denn z'Thanndorf derma bei sowas
net lang umanand

Des bisserl Pflastern
do is nix dabei,
des bisserl Hof,
des hama glei

Sie sand zur Dir kema
voller Elan,
weil's gmoant hom, jetzt geht's glei
mit'n Pflastern an

Do host Du zu ihnen gsagt:
„Do deart's Eich irr'n,
z'erst miaßt's an Kies ausfahrn
und anschließend planier'n

Drum fangt's glei an
und schaut's dass wos dearts
und schckt's Euch, dass heit
no fertig werd's

Des schena war dann des,
wia's zum Abziang war,
is da Split ausganga,
wirklich wahr

Aber für deine Freind
war des koa Problem
Weil Du host earna vei g'nua
zum Essen und Tringa geb'n

Vogl Stefan

Da Vogl Stefan steht jetzt noch
in meinem Bericht
Von Lug und Trug handelt diese
schlimme G'schicht.

Meister-T-Shirt hod's geb'n
in der letzten Saison,
denn die Zwoate is mit
Abstand Meister won

Jeder,der bei der Zwoat'n
aufgestellt war
hod oans kriegt,
des is doch klar

Da Pawo hod des
Ganze organisiert
damit a jeder
sei T-Shirt kriagt

An Stefan haben die T-Shirts
so guat gfoin,
dass er unbedingt a oans
hätt woin

„Mist“ hat er g'sagt und
„Mei oh mei“
I war leider net a oanzigsmoi
im Kader dabei

Aber I möcht a unbedingt
so T-Shirt kriang
Jetzt woß ich's,
dann dua i halt a liang

Er hod sich ausdacht
a richtige G'schicht
Und hod an Pawo anglog'n
mitten ins Gsicht

Ihr müsst's Eich vorstellen,
um auch a T-Shirt zum kriang
Tut er schummeln
und sogar auch liang

(Pawo)

Hätt i jetzt mein Krampus
mit sein'm Sack dabei
Müsstest Du ganz gwis
ganz unten nei

D'rum merkt Dir, Stefan Vogel
für Die Zukunft gut:
„Es kommt sofort der Krampus,
wenn der Vogl lügen tut“

Friedl Sepp

(Pawo)

Oan hätt i boid vergessen
aber i seg earm scho
denn da Friedl Bepp,
is a bei der Feier do

Er hod's sich doch
tatsächlich aufg'rafft
und hod's vorgestern
ins Training g'schafft

Jeder jod Bauklötz gstaunt
denn er is gspurt vo von bis hint
er hot kämpft und bissen,
i hob mir denkt: Ob, der spinnt?

Boin dagrätscht
und aufs Tor g'schossen
seine Gegner schlecht
ausschaun lassen

Er hat's selber net glauben kenna
und war ganz stolz
I bin toppfit, do kennst es
sagn was woits

Aber des, mei liaba Bepp
sog i danz unumwunden
nächste mal spuist länger
als 60 Sekunden

Denn dann war er fertig
und es war vorbei
und er is genausoviel g'standen
wie sonst a owei

Schluss

(Pawo)

Das wars, was ich
von euch gewusst.
Ich hoffe, dass mir keiner
beleidigt sein muss.

Denn ich tat
nur das sagen,
was fleißige Helfer
mir zugetragen.

Über so manchen
hatte ich keine G'schicht
Entweder war er brav, oder
es hat keiner was bericht'

Jetzt passt's noch auf
und merkt's Euch guat,
was da Nikolaus Euch
wieder auftragen duat

Ihr Jungen
und auch ihr Alten
Sollt weithin
gut zusammenhalten.

Spielt immer anständig
und auch mal fair,
dann komm ich nächstes Jahr
wieder her.

Nun wünsch ich euch allen
nur das Beste
Ein ruhiges, und friedliches
Weihnachtsfeste,

viel Glück im neuen Jahr
und nun ist es aus.
Auf Wiedersehn sagt zu Euch
der Nikolaus.